



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-37- 666-50/19
Sarajevo, 20.02.2019.godine

SKUPŠTINA KANTONA SARAJEVO
-Služba za Skupštinske poslove-

PREDMET: Odgovor na zastupničko pitanje

Zastupnica Neira Dizdarević na Trećoj radnoj sjednici Skupštine Kantona Sarajevo, održanoj dana 23.01.2019. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovnikom Skupštine Kantona Sarajevo, postavila je zastupničko pitanje vezano za poseban program zdravstvene zaštite-terapiju za oboljele o celijakije – poremećaja koji obilježava trajna nepodnošljivost glutena, a koje glasi:

„Osobe oboljele od celijakije dobijaju 10 kg bezglutenskog brašna mjesečno na recept. S obzirom daje procedura podjele brašna, koje predstavlja lijek za ove pacijente, komplikovana i neefikasna - oboljele osobe trebaju uzeti uputnicu od porodičnog Ijekara za Kliniku za gastroenterohepatologiju KCUS-a, odnosno Pedijatrijsku kliniku KCUS-a ako je riječ o djeci, gdje će im Ijekari propisati recepte. S receptom odlaze u apoteku gdje preuzimaju brašno. Prema mojim informacijama pacijenti su dobili pripadajuće količine za mjesec avgust, i tek trebaju dobiti za septembar, a u slučaju spriječenosti da dodju po recept na KCUS, recept propada. Iz navedenih razloga molim Ministarstvo zdravstva KS da preispita ove procedure i po mogućnosti iste skрати i ubrza.“

U vezi sa postavljenim zastupničkim pitanjem, Ministarstvo zdravstva Kantona Sarajevo dostavlja sljedeći

O D G O V O R

Krajem maja 2018. godine, potpisan je Protokol o realizaciji programa obezbjeđenja bezglutenskog brašna za oboljele od celijakije za 2018-2019.godinu, a koji Vam dostavljamo u prilogu ovog akta.



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1



Zavod zdravstvenog osiguranja Kantona Sarajevo je direktno uključen u implementaciju navedenog Protokola, te je traženo izjašnjenje na zastupničko pitanje, koje Vam također dostavljamo u prilogu ovog akta.

S poštovanjem,

MINISTRICA

Doc. dr. sci. med. Amela Sofić

Pripremila:
Prim.mr. ph. Edina Stević, spec., pomoćnica
Ministrice

Kontrolisala:
Amra Isić, dipl.iure, Sekretar Ministarstva

DOSTAVLJENO:

1. Naslovu
2. a/a



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1





Broj: 05-04-I-AE-5238/19
Sarajevo, 12.02.2019. godine

MINISTARSTVO ZDRAVSTVA KANTONA SARAJEVO
N/R DOC. DR. SCI. MED. AMELA SOFIĆ

PREDMET: Odgovor na zastupničko pitanje

Poštovana,

Vašim aktom 10-37-666-50/19 od 30.01.2019. godine dostavljeno nam je zastupničko pitanje zastupnice Neire Dizdarević u vezi sa procedurom realizacije Protokola o obezbjeđenju bezglutenskog brašna, odnosno iznalaženjem mogućnosti pojednostavljivanja procedure odobravanja i izdavanja bezglutenskog brašna osiguranicima Zavoda.

Važećim protokolom o realizaciji programa obezbjeđenja bezglutenskog brašna za oboljele od celijakije utvrđeni su ovlašteni ljekari propisivači, uposlenici Klinike za gastroenterohepatologiju Kliničkog centra Univerziteta u Sarajevo. Svi korisnici ovog programa su obzirom na svoje oboljenja istovremeno i pacijenti navedene klinike. Svi pacijenti u Kantonu Sarajevo (ne samo na KCUS-u već i drugim ustanovama koje pružaju specijalističko-konsultativne usluge) su prilikom posjete dužni obezbijediti odgovarajuću uputnu dokumentaciju (uputnica ljekara porodične medicine), obzirom na trenutnu organizaciju zdravstvenog sistema Kantona Sarajevo.

Prema nama dostupnim informacijama, nema prijavljenih ili uočenih problema u realizaciji ovog protokola niti u snadbijevanju osiguranika bezglutenskim brašnom. Jedino je uočeno da je trenutni broj korisnika značajno veći od procijenjenog broja pacijenata datog od strane Ministarstva zdravstva Kantona Sarajevo prilikom sačinjavanja ovog protokola (umjesto inicijalno predviđenih 50, trenutno ih je cca. 130).

Da bi dodatno olakšali realizaciju navedenog Protokola, Zavod će u saradnji sa KCUS-om u što skorijem periodu pristupiti uvođenju elektronskog recepta odnosno elektronske tromjesečne terapije (eTerapija), kojom će se značajno smanjiti potreba odlaska ljekarima propisivačima radi propisivanja bezglutenskog brašna.

S poštovanjem,

Pripremila:


Anesa Eminović, mr.ph.spec
Rukovodilac Odjela za farmaceutske poslove

Kontrolisao:


Mr.sci.oec.prim.spec.dr. Fikret Jonuz
Rukovodilac Odjela za medicinske poslove

Mr.



Ministarstvo zdravstva Kantona Sarajevo (u daljem tekstu: Ministarstvo), kojeg zastupa dipl. oec Zilha Ademaj, Ministrica

Zavod zdravstvenog osiguranja Kantona Sarajevo (u daljem tekstu: Zavod), kojeg zastupa mr.sci.oec.prim.spec.dr Samir Turković, Direktor

Klinički centar Univerziteta u Sarajevu (u daljem tekstu: KCUS), kojeg zastupa prof.dr.Sebija Izetbegović, Generalna direktorica

JU Apoteke Sarajevo (u daljem tekstu: JUAS), koje zastupa mr.ph. Sait Muradić, Direktor

Zaključili su

PROTOKOL
o realizaciji programa obezbjeđenja bezglutenskog brašna za oboljele od celijakije
za 2018. – 2019. godinu

Član 1.

Zavod zdravstvenog osiguranja Kantona Sarajevo će za osigurana lica na teret sredstava obaveznog zdravstvenog osiguranja obezbjeđiti:

Brašno bez glutena mix B 1 kg	11,00KM	
Brašno bez glutena mix IT 500g	5,50KM	

Učešće Zavoda u utvrđenoj cijeni iznosi 100 %.

Uslov koji osiguranici moraju ispuniti u postupku uključjenja u Protokol:

Da u momentu uključjenja u Protokol imaju kontinuiranu prijavu na obavezno zdravstveno osiguranje na Kantonu Sarajevo u trajanju od najmanje 5 godina.

Smatrat će se da je osiguranik osiguran u kontinuitetu ukoliko u posmatranom period nije imao jedan ili više prekida osiguranja u trajanju dužem od šest (6) mjeseci ukupno.

Navedeni uslov provjerava Zavod.

Član 2.


Indikacija za propisivanje bezglutenskog brašna je:

- celijakija potvrđena biopsijom tankog crijeva

Član 3.

Ovlašteni ljekari za propisivanje lijekova iz člana 1. prema indikacijama iz člana 2. su:



- 
- prim.dr.sci. Amra Puhalović
 - dr. Aida Saray
 - prim. dr. Edina Kovač
 - dr Melika Melunović

Zavod zdravstvenog osiguranja i KCUS mogu u toku trajanja ovog Protokola izvršiti izmjene i dopune ovlaštenih ljekara propisivača o čemu su dužni odmah obavijestiti ostale potpisnike Protokola.

Navedeni ljekari su dužni voditi računa o racionalnom trošenju sredstava koji se izdvajaju za nabavku bezglutenskog brašna po ovom Protokolu.

Član 4.

Osiguranici sa dokazanom celijakijom, kao i ispunjenjem uslova od 5 godina osiguranja, imaju pravo na dobivanje 10 kg bezglutenskog brašna jednom mjesečno na teret sredstava Zavoda.

Saglasnost za uvođenje u program osiguranika Kantona Sarajevo daje isključivo Zavod, na osnovu predhodno dostavljenog zahtjeva UKCS uz ispunjene uslove iz člana 2. ovog Protokola, na osnovu dostavljene potrebne medicinske dokumentacije, a u ovisnosti od finansijskih mogućnosti.

Član 5.

Propisane recepte osiguranici će moći realizovati u:

- JUAS – Apoteka Čengić Vila, ulica Bulevar Meše Selimovića br.21

Navedena apoteka se obavezuje da će obezbjediti navedeni proizvod u potrebnim količinama i istu fakturisati Zavodu, po cijenama i načinu utvrđenim članom 1. ovog Protokola.

Član 6.

Ukoliko u toku realizacije ovog Protokola dođe do značajnog povećanja troškova u odnosu na planirano, Zavod može obustaviti dalje finansiranje bezglutenskog brašna koje se obezbjeđuje po osnovu ovog Protokola.

Član 7.

Nadzor na racionalnom i opravdanom propisivanju i izdavanju lijekova koji se finansiraju po osnovu ovog Protokola će vršiti ovlašteni ljekari kontrolori Zavoda.

Zavod zadržava pravo jednostrane obustave ili raskida ovog Protokola ukoliko se pokaže da su sredstva nedostajuća ili iz drugih finansijskih razloga, koji mogu ugroziti rad Zavoda.

Član 8.

Ovaj Protokol se primjenjuje od dana potpisivanja i trajanje istog je dvije godine.



Član 9.

Zavod zadržava pravo izmjene cijena u toku trajanja Protokola, o čemu će obavijestiti ugovornu apoteku.

Član 10.

Ovaj Protokol sačinjen je u četiri (4) istovjetna primjerka od kojih svaki potpisnik zadržava po jedan (1) primjerak.

Sarajevo, 30.05.2018.godine

Ministarstvo zdravstva Kantona Sarajevo

*Zavod zdravstvenog osiguranja
Kantona Sarajevo*

Klinički centar Univerziteta Sarajevo

JU Apoteka Sarajevo

Dipl.o

Mr.sc. doc. pri

Prof. d

Mr.ph. Salih Muradić

1

18 31.05.2018

rković

027-13-439

05-06-2018

01-03-932/14

01.06.2018.